

नास्टमा कम्प्युटर
इन्जिनियरिङ,
बिसिनेस, बिबिसे
र सिभिल
इन्जिनियरिङका साथै
अब MBA पनि ।

नास्ट कलेज
धनगढी-४, उत्तरबेहडी, कैलाली
सम्पर्क नं. ०९१-५२३३१२
९८५८४८७१२५

थारु भाषाके 'क' वर्गके राष्ट्रिय दैनिक

भाषा, संस्कृति ओ समाचारमूलक पत्रिका

पहुरा



PAHURA
NATIONAL DAILY

विवाह पवित्र बन्धन हो,
विवाहलाई लेनदेनको विषय
नबनाऔं,
विवाहमा दाईजो लिने र दिने
काम नगरौं,
दाईजोका कारण हुने हिंसा
अन्त्य गरौं ।



नेपाल सरकार
विज्ञापन बोर्ड

वर्ष २३ अंक १६० वि.सं. २०८२ पुस १८ गते शुक्र

थारु सम्वत (२६४८)

[Friday 02 January 2026]

(मोल रु. ५ ।- पेज ४+२)

अधिवक्ता स्वर्गीय जोहारीलाल चौधरी विशेष

जोहारी वकिल: थारु समाज ओ अधिकारके सवाल



कृष्णराज सर्वहारी

सामाजिक सन्जाल आजकल सुचनाके बरवार माध्यम बनल बा । इहे क्रममे २०८२ पुस ६ गते वकिल जोहारीलाल चौधरीके असमायिक निधनके खबर सामाजिक सन्जालसे मिलल । इ खबरले मन मुर्का गइल । काजे कि उहाँसे हम्रे संगसंगस रहि । महिसे केवल एक बरसले भारि उहाँके निधनले अपन जिगिके पन्ना फेन उल्टा बिल्ताके बिठ्कोर्स मन लागल । मने इ आलेखमे अपन नाहि वकिल जोहारीके जिगिके फाइल खोल्नास मन लागल बा । मने उहाँसे मोर संगत कम हुइल कारन इ लेख भिट्टर गहिंर बुरनासे छिछुरिएमे रना डर बा ।

उ दिन सामाजिक सन्जालके कभरमे वकिल जोहारीलालके निधनले दुःखी हुइल बहुट जाने दुचार लाइन लिखे पोस्ट कर्ला । सामाजिक सन्जाल घम्भुल्का हो, एकघरि पहिले मैने ओराइलमे दुःखी हुइल बाट लिखि, डोसर स्टाटस होटलेम मिभनी सोखल फोटु डारि । गोह्वक् आँस गिराइ हस एक घरि दुःखी हुइना ओ केवरो निधनसे कुछ शिक्षा लेना, कुछ प्रण कर्ना अलग अलग बाट हो । हम्रहिनसे सदाके लग विदा लेके गइल जोहारीसे का शिक्षा लेहे सेविठ कना प्रसंगमे इ लिखौटि नैगल बा ।

जोहारी विसेसांक

जौन दिन वकिल जोहारीलालके असमायिक निधनके खबर आइल । उहाँके बारे थाकस कैलालीके पहिलक कावा अध्यक्ष माधव चौधरी ओ मैगर संघरिया दिलबहादुर चौधरीसे फोनेम बाट कनु । दिलजीहे उहाँके बारे लिखना अर्जि कलु । उहाँ जोहारीके बारे हलि हलि लिख्लौं, मने मन निचोरके लिख्लौं । उहि लावा डगगर अनलाइनमे प्रकाशित कैगैल । (इहे विसेसांकमे फेन उ लेख समोट गइल बा) मने अट्टरेमे मोर मन नै भरल । पहरा दैनिकके कानुनी सल्लाहकार रहल उहाँके बारेम कुछ विसेस निकारक चाहि कना मनसुवा सम्पादक प्रेम दहितहे कहलुं । फलस्वरुप इ लिखौटि फेन जन्मना मौका पाइल ।

जोहारी आउर वकिलसे विसेस

रहित । समाजसेवा कुट कुटके भरल रहिन । थारुपनके नारा उहाँके भित्रि मनसे निक्किन । आउर वकिललोग पैसेक लग किल डौरठाँ, मने उहाँ अपन समाजसे जोरल अलग वकिल रहित ।

मोर चिनजान

वकिलसापसे मोर पहिल चिनजान २०४५ सालओर महेन्द्र बहुमुखी क्याम्पस नेपालगन्जमे हुइल हस लागठ । पाछे बेस संस्थासे कमैयन्के बारे स्थलगत अध्ययनके सिलसिलामे कैलारीमे परगा डारेबेर २०४७/२०४८ सालओर उहाँके घर हालके जानकी गाउँपालिका दुर्गौली गाउँ पुगल रहुं ।

चार दशक पहिले हुइल भेट अब्बे हुइल हस लागठ । थारु समाजहे कइसिक आगे उठाइ सेकजाइ, थाकस काजे सुटल रहठ, इहि कैसिक जगाइ सेकजाइ कना सबहस भेटमे उहाँ चिन्ता जटाइत ।

थारु भासाके वकालत

जोहारी वकिल जिगिभर थारु भासाके वकालत कर्ला । थारु लेखक संघ नेपालके संस्थापक सदस्य, कानुनी सल्लाहकार, पहरा दैनिकसे लेके बहुट संघसंस्थाके कानुनी सल्लाहकार रहित । मने कोनो संस्थाहे उहाँ पारिश्रमिक डेके सेवा लेहल कना महि नै लागठ ।

थारु भासामे पहाइ लिखाइ हुइक चाहि कना उहाँके मनसुवा रहिन । मने पुस १८ गतेके उहाँके रोटी भातके नैउटा हेरेबेर नेपाली भासामे बिल्गाइल । यदि उहाँके सपना पुरा कर्ना हो कलेसे लिखाइ, बोलाइमे ढेरसे ढेर अपने मातृभासा बेल्से पर्ना जरुरि बा ।

सद्भाव बढे

धनगढी बजारके सद्भावना टोलमे बैठित उहाँ, जौन टोल कुछ दिन यहोर उहाँके निधनले सुनसान बा । मने ढिरे ढिरे उहाँ कन्फोर मचाइ जरुर डिजे बजे लागि । माघ लग्गे बा, डिजे घन्कना दिन डुर नैहो । मने जिहिसे नियमित मोर्निङ वाक करिट, उ डिजे (दिलबहादुर-जोहारी) आब कबु नै बजि । जोहारीहे मैया करइया सद्भावना टोलवासी हरदम एकापसमे सद्भाव राखिट ।

थारु समाज पछरल बा टे जे फेन कहठ, मने पछरल समाजहे टेकनी लगुइया, अधिकारके लग लरइया बहुट कम मैने बटाँ । उहे टेकनी लगुइया मध्ये उहाँ एक रहित । उहाँके परिवारके सदस्यलोग फेन आब उहाँके सहयोगी भावना, समाजसेवामे चिल्वास राखक चाहि । जिहिसे उहाँके आत्मा सम्मान पाइन् ।

समयके स्थाल

धनगढी पुगेबेर मै विशुद्ध पहनि किल खाइ नै जैठुं । कुछ न कुछ अध्ययन, कार्यक्रममे सहभागिताके सिलसिलामे मोर पौल ओहोर



खर्कल रहठ । थारु लेखक संघ नेपालके केन्द्रिय अध्यक्षके नाताले उहाँ दता हुइल संस्थाके वार्षिकोत्सवमे सबहस बरस पुगठु । धनगढी गइलबेला वकिलसापसे औपचारिक कार्यक्रममे होए या अनौपचारिक जरुर मुलाकात होए । उहाँ समयके बहुट ख्याल कर्नाहा रहित । बलाइल समयमे पुना उहाँके बान रहिन । समयके सम्मान करक चाहि कना उहाँसे सबजे सिख्खा लेहक चाहि । विडम्बना कालभैरव उहाँ पो असमयमे बलाके लैगैल ।

थाकस ओ जोहारी

वकिल जोहारी बितल दिन जोहारी, थारु नागरिक समाजके दिलबहादुर चौधरी, अपनसहित फोटु डारके फेसबुकमे पुरान संभनाबारे थारुवान डटकमके सम्पादक मदन चौधरी लिखले बटाँ, 'धनगढी निवासी अधिवक्ता जोहारीलाल चौधरीको असमायिक निधनले दुखित बनाएको छ । उहाँ थरुहट मुद्दाका लागि मात्र होइन, धनगढीका थारुहरूको कानुनी सल्लाहकार पनि हुनुहुन्थ्यो । बैकुण्ठ बास होस् । डिजे अर्थात् दिलबहादुर-

जोहारीलाल गुपसँग मर्निङ वाक र चिया गफ गरियो । यसअधि नै यो गुपसँग प्रभावित भएको म धनगढी पुगेर साक्षन्कार गर्ने अवसर खेर फालिन । उहाँहरूको रेगुलर बहसमा आजको मुख्य विषय रह्यो थाकस । थाकसको विकासमा युवाहरूको सहभागिता अनिवार्य भइसकेको निचोड निकालियो । तर, के थारु युवाहरू थाकसको नेतृत्व गर्न तयार छन त ? वा उनीहरूलाई नेतृत्व सुम्पिन अहिलेका पदाधिकारीहरू तयार छन् ? बहस गरौं ।'

अइसिक डिजे गुपमे उठल बाटहे

पत्रकार मदनके उठाइल मुद्दा जेनजी आन्दोलनके प्रसंगमे एकदम समसामयिक बा । थाकसमे ठँरिया (युवा) लोग नै आइतसम थारु अधिकारके बाट जोन रुपमे उठे पर्ना हो, नै सेकि । जोहारीके भित्री चाहना पुरा हुइ नै सेकि ।

जोहारी बितल दिन थाकस महामन्त्री मिनराज चौधरी फेसबुकमे लिखले बटाँ, 'साहु अधिवक्ता जोहारीलाल चौधरीके कानुनी सेवा तर्फके विज्ञता, अनुभव, सामाजिक सेवामे समर्पित सालिन भद्र जीवन शैली हमार समाजके लाग हरदम प्रेरणा बनल बा ।'

कोनो मैने बिट्ठाँ कलेसे कुछ दिन सम्भबो ओ बिस्त्रा डर्बाँ । ओइनके प्रेरणाहे जिवन्तता डेहक लग समाजके टरफसे फेन कुछ करे परठ । जे जिगिभर समाज समाज कहटि डौरटा, समाजके भलो चिटाइटा, ओकर योगदान उ बिटले पर फेन नाइ बिस्त्राइक चाहि । जोहारीहे हरदम सम्भक लग उहाँके नाउँमे पुरस्कार स्थापना होए, अक्षय कोष खडा होए । थारु अधिकारके वकालत करइयनहे परटेक बरस उहाँके पुन्य तिथिमे उ पुरस्कार डे जाए । यम्ने परिवारके सहयोगके साथ साठे थाकसके फेन होस्टेमे हेसे रहे कना मोर अर्जि हो ।

थाकस महामन्त्री मिनराज चौधरीजि, फेसबुकमे दुचार लाइन लिखे अपन जिम्मेवारी पुरा हुइल ना ठानि, थाकस केन्द्रसे जोहारीके सम्भनाहे जिवन्त राखक् लग कुछ पहल करि । आबक लग थाकस कैलाली यकर अगवाइ करे । पहिलक काबा अध्यक्ष माधव चौधरी इ मामलामे ढेर चिल्वास डिंट । मै धनगढी ओल्लैनासे पहिले अक्षय कोष बनल सुखद समाचार सुने मिले, उहाँ गइल बेला कोषके अगवनसे भलाकुशारी होए, इहे मनसुवा बा ।

जैटि जैटि:

इ लिखौटि निम्जाके जैटि जैटि उहाँसे करल वादा जरुर पुरा कर्ना मन बा । धनगढी गइल बेला जोहारी वकिलसाप महि ढेर फेरा अपन घर चाय पियक बलैलौं । मने डोसर बेर अइम कहटि निष्पटि गइलुं । समयके लेखा आज उहाँ सदाके लग निपुच गइलौं ।

ओ, वकिलसाप अपनेक रस्टि बस्टि रहल ठाउँ जौन रोज मै अइम, चायक पहिला गिलास अपनेक दुवारिक उठैम । सुगरके बेरामि जरुर उहाँ चिनि डारल चाय नै पियठुइबि । करिया चाइ, उ फेन बिना चिनिक चियर्स कैके पिना अपनेनसे वादा रहल । अपनेसे हलि भेट हुइना डरले चिनि डारल चाय नै पिना अज्कलेसे अभ्यास करटुं । जय गुर्वावा ।

स्माईल चौधरीसे प्रकाशित

सतपादक : प्रेम चौधरी (९८४८४२२२०७)

कार्यकारी सतपादक : राम दहिव (९८४८४९४५१८)

भाषा सल्लाहकार : दिलबहादुर चौधरी

पहुँडा सतपादक : कृष्णराज सर्वहारी

व्यवस्थापक सल्लाहकार : राजकुमार चौधरी

प्रधान कार्यालय: धन.पा.- ८, शिवनगर, कैलाली (नमस्ते सहकारी भवन)

मसुरिया शाखा: दिनेश दहिव (९८१२६४१६०१)

पहलमानपुर शाखा: जीवन चौधरी (९८४७५०१८८७/९८२५६२९३०५)

प्रधान कार्यालय धनगढी

E-mail: dailypahura@gmail.com,Website: pahura.com

मुद्रक : समैजी अफसेट प्रेस, बेहडी, धनगढी

.....सम्पादकीय

यी दैनिकसे अभिभावक गुमाइल पीडा

कैलाली जिल्लाके धनगढीसे २०५९ सालमे दर्ता हुके अर्धवार्षिक रुपमे यी पत्रिका भुइयाँमे पौला टेकलपाछे आघे बहेके लाग कानूनी सल्लाहकारके रुपमे अधिवक्ता जोहरीलाल चौधरीहे अभिभावक भेटाइल ।

यी पत्रिका प्राविधिक कारण विचमे स्थागित हुइल रहे । मने पाछे यी पत्रिका दैनिक रुपमे २०६६ चैत २९ गते फेर आपन यात्रा सुरुवात करेबेरफे उहाँ कानूनी सल्लाहकार हुइलै । यी दैनिकके यहाँसमके यात्रामे उहाँ निशुल्क सेवा प्रदान करलै । अटरा केल्ह नाही उहाँ थारु समुदायके एक अग्रणी कानूनी अभियन्ता, समाजसेवी ओ बौद्धिक व्यक्तित्व रहित । उहाँ आपन ज्ञान, अनुभव ओ क्षमता थारु समुदायके अधिकार, पहिचान, न्याय ओ सशक्तीकरणके लाग समर्पित करलै । थारु समुदाय नम्मा समयसे सामाजिक, आर्थिक ओ राजनीतिक रूपमे सीमान्तकृत अवस्थामे रहल ओरसे उहाँ समुदायहे न्याय ओ समानताके मूलधारमे ल्यन्ना निरन्तर संघर्ष करलै ।

अधिवक्ता जोहरीलाल चौधरी थारु समुदायसे भोगटी आइल भूमि समस्या, नागरिकता, मानवअधिकार उल्लङ्घन ओ अन्यायके विषयमे कानूनी आवाज उठैलै । उहाँ कानूनमार्फत थारु समुदायहे आपन अधिकारबारे सचेत करैटी अन्यायविरुद्ध लड्न हौसला प्रदान करलै । गरिब, अशिक्षित ओ पीडित थारु नागरिकहे निःशुल्क कानूनी सल्लाह तथा सहायता प्रदान कैना उहाँके विशेष योगदान रहल ।

उहाँ यी दैनिक लगायत थारु कल्याणकारी सभा, टमान थारु संघ-संस्थाके कानूनी सल्लाहकारके रुपमे सक्रिय भूमिका निभैटी आइल रहित । थारु समुदायमे कानूनसम्बन्धी जानकारीके अभाव रहल देखके उहाँ कानूनी चेतनामूलक कार्यक्रम, अन्तरक्रिया ओ प्रशिक्षणमे जोड डेहल रहित । उहाँ थारु समुदायके लाग पुगाइल योगदान बहुआयामिक, दीर्घकालीन ओ ऐतिहासिक महत्व बा । थारु समुदायहे अन्यायविरुद्ध कानूनी रूपमे सशक्त बनैना, अधिकारप्रति सचेत करैना ओ सम्मानित पहिचान स्थापित कैना महत्वपूर्ण भूमिका निर्वाह करलै । उहाँके योगदान थारु समुदायके लाग प्रेरणाके स्रोत ओ मार्गदर्शकके रुपमे सदा स्मरणीय रही ।

आब उहाँ यी धर्तीमे नैरहिलै मने उहाँक अभाव सदा खडकटी रही । यी दैनिक केल्ह नाही ढेर संघसंस्था अभिभावक गुमैलस । यी दैनिक परिवार उहाँप्रति हार्दिक श्रद्धाञ्जली व्यक्त करटी, शोक सन्तप्त परिवारमे हार्दिक समवेदना प्रकट करले बा ।

नमस्ते बचत तथा ऋण सहकारी संस्था लि.

धनगढी, कैलाली (सहकारी ऐन २०७४ अन्तर्गत स्थापित)

दोहोरो सदस्यता लिस्का सदस्यहरूलाई सूचना

प्रकाशित मिति: २०८२/०९/१८ गते

सहकारी ऐन २०७४ को दफा ३२ उप दफा (१) मा व्यवस्था भए बमोजिम कुनै एक व्यक्ति एक स्थानीय तहको एकै प्रकृतिको एक भन्दा बढी संस्थाको सदस्य हुन नपाउने व्यवस्था भएकाले सम्पूर्ण शेयर सदस्यज्यूहरूलाई जानकारी गरिन्छ कि ऐन बमोजिम एकै प्रकृतिको एक संस्थासंग मात्र आवद्ध भई कारोबार गर्नु होला । अन्यथा नियमानुसार स्वतः सदस्यता खारेजी हुने जानकारी गराइन्छ ।

दिलबहादुर थारु...

‘बाबा टै का करटे ?’
‘कुछ नाई, अस्टे बैठल बाटुँ, टीका भाइसे बट्वाइटु’ मै छावाहे जवाफ डेनु ।
‘जोहारीक बारेम कुछ पटा पैले बाटे ?’
‘नाइ टो’ मै कनु ।
‘बरा गर बाटै कना बाट आइटा ।
पंकज फोन कलै रहे, अस्पतालमे बाटै हुँ ।’

पंकज मोर भान्जा, वकिल जोहारीक भट्टिज्वा (बरापुक बर्का छावक् छावा) गाउँसे फोन कलै रहै । मै साँझके धनगढी-५, जाईके बिश्राम राईस मिलके संचालक टीकाराम चौधरी भाइसे मिलमे रहूँ । सँगै कैलारी-५, पवरा स्कूलके मास्टर सुरेश चौधरी ओ कैलारी गापाके कृषि अधिकृत मैया चौधरी रहि । हमरे घर ब्यबहार, सुख्खा डुख्खाक बाट करटिही । इन्सेक संस्था छोरल पाछे, धनगढी अइलेसे मोर उठबस ढेरजैसिन टीका भाइ, थरुहटवादी नेता खडक चौधरी, शेरबहादुर चौधरीसे हुइठ । छावा पुछ्ठी कि मोर चौकस मन भोहर हो गिल । ‘ठिक बा, मै आइटुँ कनु ।’

छावक फोनसे पहिले सुरेश सर कह सेक्ले रहै, माइती नेपालके जिल्ला संयोजक शिवचरण चौधरीसे भेट हुइल रहे । ‘जोहारीक का हुइठ ? कहुँ लहाइ जैना खबर ना आए’ कना चिन्ता व्यक्त करटहै । शिवचरण मोर गर्विलिया, डाडुक साला ओ जोहारी वकिलके साहुँ । शिवचरणके चिन्ता व्यक्त, भैनेक फोन कराईसे लागल कुछ गरबर बा । मै हाल्ल नास्ता ओवैनु । ‘अपनेहुके बैठी, मै एकचो अस्पताल पुगम कनु ओ बिदा लेनु ।’

अस्पतालके चक्कर बेरी जुन हो गिल रहे, भान्जा बिनय (जोहारीक छावा) हे फोन कनु, ‘कहाँ बाटी भान्जा ?’

‘नवजीवन अस्पतालमे बाटुँ मामा’ जवाफ आइल ।

छावै लैके नवजीवन अस्पताल पुगनु । डुनु भान्जा (जोहारी लालके छावाहुके) बाहर रहै । मिहिन डेखि कि डुनु जे सेवा लग्नै । उ सेवा फे असहज लागल । भोहर मन, उदास बाटाबरनमे लेहल डेहल सेवा कैसिन रही ।

‘वकिल साप कहाँ बाटै ? अवस्था का बा ?’ पुछ्नु ।

‘अस्टे बा मामा, भेन्टिलेटरमे बाटै । विश्वास कम बा, मने रातके घरे कहाँ लैजिना हो, यिहै रहब ।’

एकसिटै अन्धार लागल, आँस गिरे लागल । भान्जक सँघरियै भान्जाहे संभाइटहै । ‘ओइसिन कुछ परी, सहयोग चाही टो कहिस, बटाइस, खबर करिस, हमरे बाटी ।’ मने मै किहु नाइ डेखु, मोर लाजभास हेरागिल । बहुत रोकनु, आत्मा नाइ मानल, मुह फोरडनु । अपनेह सम्हनुँ ओ कनु, मै भेट करे चाहटुँ, भेट करे नाइ मिली ?

‘अब्बे टो नाइ मिली मामा, भेन्टिलेटरमे बाटै’ भान्जा कनै ।

टब आउर रोइनास लागल, मने रोक लेनु । ‘ठिक बा भान्जा, अब्बे भेट करे नाइ मिली टो काल्ह अइम’ कनु । बिदा लैके नैगटिही कि आवाज आइल, ‘जोहारी लाल चौधरीके के बा ?’

भान्जा कहनै, ‘हमरे बाटी ।’
शायद अस्पतालके कारिन्दा कागजमे सिग्नेचर कराई आइल रहै । ओइनसे कनु ‘मै भेट करे चाहटुँ ।’ ओइने मिहिन भेट कना अनुमति डेनै । भिट्टर जाके हेनु । ढकडिउरा भर चलटेहे, शायद भेन्टिलेटरके जरियासे फे हुई । चिक्कन रहल बेला सडा डिन बिहाने नेना सँघरियक आजसे आवाज बन्द हो गिल रहे । फेन आँस गिरे लागल । मै अवस्था पुछ्नु । स्वास्थ्यकर्मी बाबु कली, ‘अब सम्भावना बिकुल कम बा ।’



का बा हजुर हालखबर ?
गाउँसे धनगढी आइल डिने (पुस ३ गते) वकिल साप महि फोन कलै रहै, “का बा हजुर हालखबर ? कहाँ बाटी ? कब भेटघाट हुई ?”
‘मै घरहीं बाटुँ, आज्जी अइनु । समय मिलाके अइम, भेटघाट करम’ कनु । सोच्ले रहूँ, सुख शनिच्चरके भेट करम ।

‘ठिक बा, अफिसमे अइबी टो मोर अफिस सरगिल बा । ठिक अपोजिट, सडकके पुरब बा’ कले रहै उहाँ । मने सोचल हस हुइवे नि करल । ५ गते अस्पतालमे भेट करे बलाही डनै । उहाँ बोलचाल हुइना टे बाटे नै रहे ।

अस्टहीं समय बरा दुःख लागठ । कुछ न कुछ खटकठ । हुँकार कहल समय भेट करे पुगजिटुँ टो का हुइट ? लागेक सँघरिया फोन कनै, ‘मै फे समय मिलाइट रहगिनु ।’ समय कैसिन चिज हो ? जिहिन बुझै नाइ सेक्जाइठ । समयमे नाइ जाके आज भारी गल्ली महसुस हुइटा । आत्मा भक्कभोरटा, कहटा ‘सडा डिन भेट कना मने, समयमे का करे नि गैले ?’ शायद हुँकार आत्मा जनाइट रहल हुई कि आब कस्मिमे फोन करडाहँ कहिके !

कुछ समय भेट हुइल, नेंगल, घुमल, बोलल, बट्वाइल मनैन्ह जब अइसिन लागटा टो पीडित परिवारहे कैसिन लागट हुई ? दिदी ओ भान्जनपर का बिट्ट हुई ? मनमे मेरमेराइक बाट खेला करल । उ डिन महा रातटक निंद नाइ परल । खुर्चिल खुर्चिल करा कनु, कैचो टो करवटे बडल्लु । प्रकृतिके नियम फे अचम्मके बा ! जिनिगक कोनो ठेकाने नाइ हो । काल्ह बा, आज नाइ हो । सक्कारे बा, साँझके नाइ हो ।

बहुट पुरान चिनजान

वकिल (अधिवक्ता) जोहारीसे मोर चिनजान अब्बेक नाइ हो, बहुट पुरान हो । हुइना टो उ जानकी गाउँपालिका वडा नं. १ दुगाँलीक होई । मै लम्कीचुहा नगरपालिका वडा नं. ७ हरदहनीक हुँ । मने हमार बचपना कुछ समय सँगै बिटल । पहिलेक समय, पहिले भोज, टब अगहन करैह । दिदीक अगहनेसँगै मोर फे बिदाई हुइल रहे पहुँक लग । स्कूल कम रहे । दर्जीवक सिलल भोला, भोलामे करिया सिलोट ओ गौखर, कन्धामे बोरा । परहाइक सुरुवात टो सरस्वती प्रा.वि. खैरहनीसे करल रहूँ । मने घरे पहुँना बाटाबरन नाइ रहे । दुगाँलीमे गावैमे स्कूल रहे । मै उहाँ कक्षा १ से परहाइहे निरन्तरता डेले रहूँ । मै एकमे रहूँ, वकिल साप शिशुमे रहै । भाटु प्रेम, बिहारी मिहिसे एक कलास आगे रहै । मै भूषणकुमार उपाध्याय, हेमनाथ उपाध्याय, दुर्गा बम, जिन बहादुर, बीर बहादुर, चुल्ही बहिरार चौधरी लगायतके सँघरियन सँगै पहुँ । जोहारी, तेजरामहुके सँगै पहुँ ।

चिरियाचटङ्गन ढुपन घाममे मै, जोहारी, तेजराम सँगै घुमी । कुरहरिया

(लडिया) मे लहाई । सँगै चिरै मारे जैना, कोटाल खोज्ना काम खब कर्ली । मने परहाइमे फे टगरा रही । हमरे कलासमे मजा रही, फस्ट हुई । पहिले ३ सम प्रा.वि. रहे । पाछे नि. मा. वि. ओ मा. वि. ओर जाइक परे । ४ कलाससे एबिसिडी सिखे परे । मै प्रा.वि. सम फस्ट हुइनु । जनता मा.वि. ४ कक्षामे पुगनु टो लर्कनके भिरमे हेरा गिनु । एकसिटै सातौँ स्थानमे टरे चलगिनु । उहाँ बहुट प्रा. वि. से आइल लकाँ पहुँ । पाछे १० सम पुगट पुगट थर्ड, फोर्थ फे अइनु । कलास टपरमे पहिले निर्मला बम, पाछे निर्मलक स्थान अधिवक्ता नाथुराम महतो लै लेनै । जोहारी भर टो निरन्तर कक्षा टप रहनै, कबो कबो स्कूल टप फे रहनै । ओटुरै किल नाई महन्धे बहुमुखी क्याम्पसमे फे कलास टप रहनै ।

वकालतके डगर

मै फे कानुनके विद्यार्थी रहूँ । मने इन्टर कट्टी कि मै राजनीति (वि.सं. २०४९ मे एमालेसे गापा उपाध्यक्ष) ओर छिरगिनु । मोर परहाई ओरा गिल । जोहारी सर निरन्तर पहुँनै ओ वकालत करे लगनै । ५ वर्षे राजनीतिक अनुभव पाछे मै इन्सेक क्षेत्रीय कार्यालय धनगढी (२०५६ सालसे) अइनु । धनगढी आइल समयसे हमार फेनसे दोस्ती जमिल । २०६२/०६३ के जनआन्दोलन, उहिनसे पाछे हुइल थरुहट आन्दोलनमे हमार निरन्तर संलग्नता, सहभागिता रहल । मोर्निङ्ग वाक फे निरन्तर हुइल ।

आस्थाके हिसाबसे वकिल साप काँग्रेस रहै, मै एमाले रहूँ । उहाँ पाछे स्वतन्त्र काँग्रेस हु गिल रहै, मतलब दासतासे उपर हु गिल रहै । जौन सही डेखैह, उहे कहै । मै टो २०५८, ०५९ से स्वतन्त्र बामपन्थी, २०६० सालसे स्वतन्त्र नागरिक हु गिल रहूँ । मोर बोलीमे लगाम नाइ रहे । स्वतन्त्र विचार परोसुँ । अब्बे जेन जीहुकन गरिआइ हस टमाम नेताहुके मिहिन गरिआईह । कतिपय नेताहुके मोर हाकिमसे चुली खाईह ‘दिल बहादुरहे सम्भा डेहो, बरा कडा लिखठ’ कहै । बिचार परोसना पत्रिका रहे पहुरा दैनिक (थारु भासा) ओ धनगढी पोष्ट दैनिक (नेपाली भासा) । वकिल साप आपन लेखन ना रोक्कि कहै ।

आब नाइ बजि डिजे

चिक्कन रहटसम वकिल सापसे निरन्तर सँगै मोर्निङ्ग वाक कर्ली । हमार जोरी बनगिल रहे । हमरे डिजे (दिल बहादुर, जोहारी लाल) ग्रुपके नाउँसे ढेरजहन चिन्हा डलै रही । सक्कारे खोज्लेसे मने सँगै भेटाईह । मोर्निङ्ग वाकमे समसामयिक बिसयमे छलफल चले । कबो थारु चालचलन, टरट्यौहार, कबो बालबिवाह, कबो लिभिङ्ग टुगेडर, कबो प्रेममे डरार पल्लेसे उत्पन्न बलात्कार, मालपोत कार्यालयके मिलोमतोसे हुइना पास बन्धकी (राजीनामा), मिटरब्याजी कारोबार ओ ओइनके सन्जाल आदिके

बारेम मजा छलफल चले । इ समस्यासे समाजहे कैसिक बचाई ? कैसिक रोकी ? थारु कल्याणकारिणी सभाहे कैसिक सक्रिय बनाई ? खूब चिन्तन मनन, छलफल करी ।

अदालतमे कौन मेरके मुद्दा ढेर आइठ ? कैसिक ईमान्दार मने फँस्टै, वकिल साप अनुभव शेयर करैह । साला भाटुक नाट, कबो कबो टो मजासे बाभी हमरे । भाटु टो कमे कहनु, कबो कबो भिनाजु कनु । सकहुनठे नाट पकर्ना फे सोहाइहस नाइ लागे । ओम्ने फे आधुनिक मनै, थारु शब्द भाटुसे भिनाजु कना ठिक लगना काहुँ । मिहिन चित्त नाइ बुझी कि बाझ जाउँ । कहुँ, ‘अपने वकिलहुके फे टो करे सेक्ठी, मजा भूमिका निर्वाह करे सेक्ठी । मालपोत ओ अदालतहे बिगुडिया टो अपनेहुके (लेखनदास ओ वकिल) हुई ।’

‘अरे दिल बहादुर जी, सब काममे नाइ सेक्जाइठ, कानुनके बाट रहठ । निर्दोष मनैनु फँस्ट डेख्बो, मने हेटी रहजिबो, अइसिन अवस्था रहठ । मने मै ढेरहस मनै न्याय पाईह कनामे ध्यान डेठुँ । भगडा मिलैना, मुद्दा ओरवैनामे ढेर जोरडेठुँ । डुनु पक्ष जीत जीतके अवस्थामे रहै कहना मोर जोर रहठ,’ कहै ।

हमरे आपसमे बड्लेसे फे बहुट मन मिल्ना सँघरिया रही । छलफलमे टैटै मैमै करी, बिदा हुइबेर काल्ह फे निक्करेक परी ना कहके बिदा हुई । मोर्निङ्ग वाक नाइ अइना रलेसे पहिले जानकारी कराई । भिन्सहरे उठ्ठी कि फोन सम्पर्क हु जाई, ‘केहरसे नेगटी ? केहर भेट हुई ?’ पुछ्छारी । फेन सँगै चल्डी । नियमित फोन सम्पर्क कर्नक कारन रहे, उ धनगढी सदभावना टोल (देवहरियाक लागे घर रना, मै जाई गाउँक रना । बिना फोन कलै, मोर्निङ्ग वाक कलै हमरे रहे नाइ सेकी । हमार सँगै कबो कबो अधिवक्ता सजुप्रसाद चौधरी फे लाग जाईह ।

अज्कलिक भोज बिना डिजे सोहावन नाइ रहठ । डिजे नाइ बजैलेसे लौला लौलिनके लकाँ गोगहा हुइठ हुँ । इ लिखौटि लिखेबेर मोर अंगरी काँपटा, इ सोक्के कि आब हमार मोर्निङ्ग वाकके कबु नाइ बजि डिजे ।

वकिल साप सूचनाके श्रोत

सही कहुँ कलेसे मोर लग टो वकिल साप सूचनाके श्रोत रहै । सक्कारे हुँकहिनसे हुइल टमाम छलफल मोर कलम चलैना आधार बनजाए । डिनके मेरमेराइक मुद्दा अइना, सक्कारे छलफल हुइना । लावा कानुन का आइल ? न्यायालय का निर्णय करल ? लावा नजिर का बा ? इ सब बाट मिहिन उहाँसे पटा हो जाए । वकिल सापके दोस्तीसे बहुट कुछ जानकारी मिले महिन ।

वकिल सापसे टमाम थारुन हमरे सँगै मानव अधिकार सम्बन्धि तालिम फे डेली । उहाँके टो बाटे छोरी, वहाँ हजारौँ मनैन् तालिम डेनै । कैलाली टो हुइगिल, कञ्चनपुरसम् दवाही मारैह । (बाँकी ३ पेजमे)

४१ मतदान स्थल थपगैल

गेटामे दूरबीन पद्धतिसे शल्यक्रिया सेवा सुरु

पहुरा समाचारदाता

धनगढी, १७ पुस । आगामी फागुन २१ गते हुइना प्रतिनिधि सभा सदस्य निर्वाचनके लाग सुदूरपश्चिम प्रदेशके नौ जिल्लामे ४१ मतदान स्थल थपल बावै । मतदाताके संख्या, पायक स्थल ओ निर्वाचनके सहजताके लाग मतदान स्थल थप करल हो ।

पहिले सुदूरपश्चिममे एक हजार १३५ मतदान स्थल रहलमे यी बेर निर्वाचनके लाग ४१ मतदान स्थल थपल प्रदेश निर्वाचन कार्यालय सुदूरपश्चिमके कार्यालय प्रमुख प्रेमराज भट्ट जानकारी डेलै । सबसे ढेर २४ मतदान स्थल डडेलधुरामे थप हुइल बावै । हाल १०४ मतदान स्थल कायम करल बा । ओस्टके ७० मतदान स्थल रहल बाजुरामे पाँच मतदान स्थल थपल बावै । ओस्टके डोटीमे तीन मतदान स्थल थपके ११८ कायम करल बा । कैलालीमे दुई स्थल थपके २३७ मतदान स्थल कायम करल बा कलेसे दाचुलामे दुई मतदान स्थल थपके ११२ कायम करल बा । बझाङ, कञ्चनपुर ओ अछाममे भर मतदान स्थलमे थपघट



हुइल नैहो । बझाङ १३३, अछाममे १३०, कञ्चनपुरमे १३२ मतदान स्थल रहल निर्वाचन आयोग सार्वजनिक करल विवरणमे उल्लेख रहल बा ।

मतदाताके संख्या १७ लाख

सुदूरपश्चिम कुल मतदाता संख्या १७ लाख १५ हजार ७६० पुगल बा । प्रतिनिधि सभा सदस्य निर्वाचन २०८२ के लाग निर्वाचन कार्यालयसे सार्वजनिक करल तथ्याक्त अनुसार कैलालीमे पाँच लाख ५१ हजार ५२, कञ्चनपुरमे तीन लाख १४ हजार ३८५, बैतडीमे एक लाख ५६ हजार

३७२ ओ दाचुलामे ९२ हजार ९४८ मतदाता रहल बटै । ओस्टके डडेलधुरामे ९३ हजार ४०३, बझाङमे एक लाख २६ हजार ९०३, अछाममे एक लाख ६५ हजार ३३७, डोटीमे एक लाख २८ हजार ३९९ ओ बाजुरामे ८६ हजार ९६१ सहित जम्मा सुदूरपश्चिममे कुल मतदाता संख्या १७ लाख १५ हजार ७६० पुगल प्रदेश निर्वाचन कार्यालय प्रमुख प्रेमराज भट्ट जानकारी डेलै । जेम्मे पुरुष आठ लाख ५१ हजार ३९९ ओ महिला आठ लाख ६४ हजार ४२३ रहल बटै कलेसे अन्य १८ जाने रहल बटै । २०७९

के निर्वाचनमे प्रदेशमा मतदाताके संख्या १६ लाख ६९ हजार ४११ रहल रहे ।

२२ मतदान केन्द्र अति संवेदनशील निर्वाचनहे स्वच्छ भयरहित

वातावरणमे सम्पन्न करक लाज जिल्ला सुरक्षा समितिसे सुरक्षाके प्रबन्ध मिलाइल जिल्ला सुरक्षा समिति दार्चुलाके अध्यक्ष एवं प्रमुख जिल्ला अधिकारी अनिल पौडेल बटैलै । उहाँ मतदान केन्द्रहे तीन भागमे वर्गीकरण कैके सुरक्षा गस्ती करेना ओ सुरक्षा पेट्रोलिङ कैना कार्य हुइटी रहल जानकारी डेलै ।

सुरक्षा समितिके बैठकसे जिल्लाभरके मतदान केन्द्रहे अति संवेदनशील, संवेदनशील ओ सामान्य सहित तीन वर्गमे वर्गीकरण करल प्रजिअ पौडेल बटैलै । जिल्लाके १४१ मतदान केन्द्रमध्ये सुरक्षाके दृष्टिकोणसे २२ मतदान केन्द्रहे अति संवेदनशीलके सूचीमे राखल बा कलेसे ४१ मतदान केन्द्रहे संवेदनशील ओ ७८ मतदान केन्द्रहे सामान्यके सूचीमे राखल उहाँ बटैलै । उहाँ कहलै, “मतदान केन्द्रके वर्गीकरण कैके सुरक्षाकर्मी परिचालनके योजना बनाव ।” दार्चुलामे १४१ मतदान केन्द्र तथा ११२ मतदान स्थल रहल जिल्ला निर्वाचन कार्यालय दार्चुलाके कार्यालय प्रमुख प्रदीपसिंह धामी जानकारी डेलै ।

स्थानीय सेवा पहिल संशोधन विधेयक प्रदेश सभामे टेबल



पहुरा समाचारदाता

धनगढी, १७ पुस । सुदूरपश्चिम प्रदेश स्थानीय सेवा (गठन तथा सञ्चालन) पहिल संशोधन विधेयक २०८२ प्रदेश सभामे टेबल हुइल बा ।

बिफेक रोज सभाके बैठकमे आन्तरिक मामिला तथा कानून मन्त्री हीरासिंह साकी संशोधन विधेयक टेबल करल हुइल । गत असारमे किल प्रदेश सरकारसे सुदूरपश्चिम प्रदेश स्थानीय

सेवा (गठन तथा सञ्चालन) ऐन निर्माण करल रहे ।

ओस्टके सार्वजनिक लेखा समितिके टेसर वार्षिक प्रतिवेदन २०८२ सभासे सर्वसम्मतसे स्वीकृत करल बा । समितिके सभापति अक्कलबहादुर रावलके प्रस्तावमे प्रतिवेदनहे सर्वसम्मतसे स्वीकृत करल हो ।

प्रदेशसभा बैठकमे दलित सशक्तीकरण ऐन, २०७८ हे संशोधन

कैना बनल विधेयकउपर सामान्य छलफल करल रहे । छलफलमे भाग लेटी प्रदेशसभा सदस्य ललिता सुनार दलित समुदायउपर हुइना सक्के मेरके विभेदके अन्य कैके सशक्तीकरण कैना उद्देश्यसे विधेयक आइल उल्लेख कैटी हाली पारित करक लाग आग्रह करल रही ।

ओस्टके, लक्ष्मी विक चार बरस आघे बनल दलित सशक्तीकरण ऐन कार्यान्वयनमे नैआके संशोधन हुइ लागल बटैली । उहाँ संवैधानिक प्रावधानके कार्यान्वयन नैहुइना मेरके संशोधन विधेयक आइल कहटी ओइसीन विषयहे हटाइ पनामे जोड डेली ।

छलफलमे उठल विषयमे सामाजिक विकासमन्त्री मेघराज खड्का जवाफ डेहल रही । उहे क्रममे उहाँ कुछ अस्पष्टता ओ कानुनी समस्या हटाके हाली कार्यान्वयनके लाग संशोधन विधेयक लानल बटाइल रहित ।

मतदानमा सहभागी बनौं ।

- ❖ मतदान गर्नु नागरिकको अधिकार र कर्तव्य हो ।
- ❖ मतदाताको अधिकारलाई जिम्मेवारीपूर्वक निर्वाह गरौं ।
- ❖ मतदाता नामावलीमा आफ्नो नाम दर्ता भए नभएको एकिन गरौं ।
- ❖ मतदान स्थल, केन्द्र र समयको बारेमा जानकारी राखौं ।
- ❖ मतदान गर्न जाँदा मतदाता परिचयपत्र अनिवार्यरूपमा लिएर जाऔं ।
- ❖ दबाव र प्रभावमा परी मतदान नगरौं ।
- ❖ व्यक्तिगत विवेकका आधारमा मतदान गरौं ।
- ❖ अस्वस्थ, ज्येष्ठ नागरिक तथा अपाङ्गता भएका व्यक्तिलाई मतदान केन्द्रसम्म पुग्न सहयोग गरौं ।
- ❖ सामाजिक सद्भाव, शान्ति र सुरक्षित वातावरण कायम गरी मतदान गरौं ।
- ❖ राष्ट्रिय हित, विकास र सुशासनका पक्षमा योग्य प्रतिनिधि छानौं ।



नेपाल सरकार
विज्ञापन बोर्ड

संरक्षण सम्बर्द्धन के लाग सक्कुजन करी काम !
संस्कृति भेष भूषा राखी हमार पहिचान !!

थारु होम-स्टे गाउँ भादा महोत्सव-२०८२

पौष १७ गतेदेखि पौष २१ गतेसम्म

आयोजक :- थारु होम-स्टे गाउँ भादा पर्यटन विकास तथा व्यवस्थापन समिति
धनगढी उप-महानगरपालिका-१६, भादा, कैलाली

स्थान: धनगढी उ.म.न.पा.-१६, भादा, श्री दिपेन्द्र चारपाते मा.वि.को खेल मैदान

महोत्सवका आकर्षणहरु

- > प्रत्येक दिन राष्ट्रिय र स्थानिय कलाकारहरुको बेजोड प्रस्तुती
- > प्रत्येक दिन स्थानिय नाचगानहरुको प्रस्तुती जस्तै : सखिया, भुम्बा, मघौटा, लट्ठी, बैठकी, मुंग्रुवा, हुर्दङ्गवा, गुरुवा र आधुनिक थारु नाचगानहरु तथा सजना, मैना, धमार, बर्कीमार, लम्नी, कठ्मधैया, बिर्हनी गितहरु लगायत राना थारु, कठरिया थारुहरुको नाचगान प्रस्तुती
- > विभिन्न हास्य व्यंग्य कलाकारहरुको प्रस्तुती
- > विशिष्ट ब्यक्तिहरुलाई सम्मान तथा स्थानिय कलाकारहरुलाई प्रोत्साहन गरिने
- > थारु संग्राहलयको अवलोकन
- > थारु खानपानका परिकारहरु जस्तै : ढित्री, खेरिया, फुलौरी अण्डीक भाट, खुर्मा, पनभुम्फरा, कचरीक बरिया, घोंघी, गेंगटा, सुट्टी, मुसाको परिकार सिघ्रा साछा मौढुबक दारु, चौरक दारु, निंघार, छबुवा जाँद लगायत विभिन्न खाना र नास्ताका परिकारहरु
- > विभिन्न खेलकुदहरु जस्तै : तिरबाट मुर्गा निसान, साईकल स्तो, भलादमी दौड, भलिबल आदि ।

स्टल बुकिङ्ग घमाघल भैरहेको छ
समयमै आफ्नो स्टल बुकिङ्ग गरी
मौकिको फाइदा उठाउनुहोस् ।

सम्पर्क व्यक्ति

अध्यक्ष

लक्ष्मीनारायण चौधरी

फोन नं. ९८११६६२३३१.

९७६२२९३३७६

पेट, छाती, मुटु तथा थाईराईड विभाग

उपचार हुने रोगहरु

- उच्च रक्तचाप, दम तथा मुटु रोगको उपचार
- सुगर (मधुमेह), थाईराईड रोगको उपचार तथा परामर्श
- मिर्गी रोग, प्यारालाइसिस (पक्षघात) तथा अन्य नशा सम्बन्धी रोगको उपचार
- छाती दुस्ले, पेट दुस्ले समस्याको उपचार
- ज्वरो आउने, टाउको दुस्ले तथा पुरानो जटिल रोगको उपचार तथा परामर्श
- सिकल सेलरोग तथा अन्य रगत कम (Anemia) को उपचार तथा परामर्श

२४ सै घण्टा आकस्मिक उपचार

ओ.पि.डी. सेवा प्रत्येक दिन (बिहान ८ देखि साँझ ५ बजेसम्म)



डा. सुमन चौधरी

MBBS, MD (KU)
NMC No. 15308

कन्सल्टेन्ट फिजिसियन



धनगढी

संजिवनी अस्पताल प्रा. लि.

९ (राष्ट्र बैंक चौक, धनगढी-५) ७ सम्पर्क नं. ०९१-५९०३२८, ९७६४२१२७२७, ९७६९९३२१०५

फोहोर सूक्ष्म वर्गीकरण केन्द्र प्रयोगविहीन

कञ्चनपुर, १७ पुस । कञ्चनपुरके भीमदत्त नगरपालिकामे भन्डै एक करोड लागतमे निर्माण करल फोहोरके सूक्ष्म वर्गीकरण केन्द्र प्रयोगविहीन अवस्थामे पुगल बा ।

एकओर डम्पिङ साइट निर्माण करे नैसेकल भीमदत्त नगरपालिकासे तीन बरस पहिले वडा नं. ४ महेन्द्रनगरस्थित सालघारीमे निर्माण करल फोहोरके सूक्ष्म वर्गीकरण केन्द्रसमेत प्रयोगमे लाने सेकल नैहो । १९ वडा रहल भीमदत्तमे हाल वडा नम्बर ४ ओ १८ के बजार क्षेत्र तथा वडा नम्बर ६, ९, १० ओ ११ वडाके स्थानीयके घरसे नगरपालिकासे फोहोर सक्तलन कैटी आइल बा । घर तथा पसलसे फोहोर उठाइक लाग लागत ढेर लग्ना तथा आम्दानी नैहोके राजस्व घाटा सहे पर्ना बाध्यतासमेत रहल पालिकाके वन वातावरण फोहोरसैला तथा विपत् व्यवस्थापन शाखाके प्रमुख सविन रावल बटैलै ।

नगरपालिकासे फोहोरमे लगानी अत्यधिक ओ प्रयोग न्यून हुइलपाछे फोहोरके वर्गीकरण तथा राजस्व वृद्धिसमेत कैना उद्देश्यसे विसं २०७९ मे पालिका भवनके ठिक पाछे भन्डै ८० लाखके लागतमे सूक्ष्म वर्गीकरण केन्द्र

जंगली हठियक आक्रमणसे एक गम्भीर घाहिल

कञ्चनपुर, १७ पुस । कञ्चनपुरमे जंगली हठियक आक्रमणसे एक जाने गम्भीर घाहिल हुइल बटै । घाहिल हुइइयामे जिल्लाके भीमदत्त नगरपालिका वडा नम्बर १९ बागफाटास्थित शुक्रराज टोलके ४० वर्षीय छक्कु डगौरा रहल बटै । बुधके रात ९:३० बजेके समयमे शुक्रराज टोलमे आइल जंगली हठिया भगैना क्रममे डगौराहे हठिया आक्रमण करल जिल्ला प्रहरी कार्यालय कञ्चनपुर जनैले बा । हठियक आक्रमणसे डगौराके कपार, अनुहार, छाती ओ हाठमे चोट लागल प्रहरी जनैले बा । हठियक आक्रमणसे गम्भीर घाहिल हुइल डगौराके महेन्द्रनगर स्थित महाकाली प्रादेशिक अस्पतालमे सामान्य उपचारपाछे कैलालीके धनगढीस्थित माया मेट्रो अस्पतालमे थप उपचार हुइटी रहल जिल्ला प्रहरी कार्यालयके प्रवक्ता प्रहरी नायव उपरीक्षक सागर बोहरा बटैलै ।

शुक्लाफाँटा राष्ट्रिय निकुञ्जसे जंगली हाडी बस्तीमे प्रवेश करलेसे नैभगैना ओ क्षति पुग्लेसे विवरण सहित कार्यालयमे पठैना आग्रह करले बा । जनावरसे क्षति पुगल विवरणके आधारमे क्षतिपूर्ति उपलब्ध करैटी आइल निकुञ्जके कार्यालयलके सूचना अधिकारी पुरुषोत्तम वाग्ले बटैलै ।

चिसो मौसममा हुने स्वास्थ्य समस्याबाट बचौ ।

जाडो तथा चिसोको समयमा:

- मौसमी रुघाखोकी, भाईरल ज्वरो, छातीको समस्या, दम, निमोनिया, भ्राडापखला, छाला सुख्खा हुने, जोर्नी दुखाई, पिनास, टन्सिल, हृदयघात लगायतका स्वास्थ्य समस्या देखा पर्न सक्छन् ।
- बालबालिका, वृद्धवृद्धा तथा दीर्घरोगीहरू बढी प्रभावित हुन सक्छन् ।
- चिसो मौसममा बाक्लो र न्यानो कपडा लगाऔं ।
- तातो, पोषिलो र भोलिलो खानेकुरा खाऔं र खुवाऔं ।
- शारीरिक व्यायाम गरौं, धुम्रपान/मद्यपान नगरौं ।
- घर तथा कोठा न्यानो बनाऔं ।
- नियमित घाम ताप्ने गरौं ।



स्वास्थ्यमा समस्या देखिए चिकित्सकको परामर्श लिऔं ।

जोशीपुर गाउँपालिका

गाउँ कार्यपालिकाको कार्यालय

जोशीपुर, कैलाली

निर्माण करल रहे ।

युएनडिपीके प्राविधिक सहयोगमे निडस नेपालसे उक्त भवनमे फोहोर वर्गीकरण कैना उद्देश्यसे भन्डै २० लाखके दुई उपकरणसमेत खरिद करल रहे । सूक्ष्म वर्गीकरण केन्द्र निर्माणके

काम ओराइलपाछे नगरपालिकासे भीमदत्तके दुई हजार स्थानीयहे फोहोरके छुट्टाछुटे वर्गीकरण करक लाग तालिम प्रदान कैनाके साथे कम्पोस्ट मल बनेना प्रयोगमे अइना भाँडा कम्पोस्ट बिनसमेत वितरण करल रहे ।

DAILO TRAVELS PVT. LTD.

DHANGADHI, KAILALI

नयाँ गाडी दर्ताको लागि इन्ट्री खोलिएको सम्बन्धी सूचना

प्रस्तुत विषयमा हाम्रो यस डैलो ट्राभल्स प्रालिमा बेलौरी, धनगढीदेखि विभिन्न स्थानसम्म चलनको लागि तपसिल बमोजिमको नयाँ गाडी दर्ता गर्नका लागि इन्ट्री खोलिएको व्यहोरा सबैमा जानकारी गराइन्छ ।

तपसिल

गाडीको नाम : SRM 11 seater

Range : Minimum 220 km in full charge

माग गाडी संख्या : १५ वटा (Only New)

Contact : 9764417596, 9805612419, 9800656404, 9811694801

संधियारको नाममा जारी १५ दिने सूचना

यस उपमहानगरपालिकाको वडा नम्बर ३ स्थित कित्ता नं. ३६५ क्षेत्रफल १६५.३१ वर्गमिटरमा भवन निर्माण गर्ने घरधनी श्री धनादेवी भट्टले यस उमनपामा पेश गरेको नक्सा बमोजिमको भवन निर्माण गर्न संधियारको नाममा सूचना प्रकाशित गरिएको छ । निवेदन साथ पेश हुन आएको प्रमाण र नक्साको आधारमा निर्माण स्वीकृति दिँदा तपाईंको जग्गाको हानिनोक्सानी हुन्छ, हुँदैन, सन्धि सर्पन हानिनोक्सानी हुने भए यो सूचना प्रकाशित भएको मितिले १५ दिनभित्र सबुत प्रमाणसहित नगरपालिकामा उजुर गर्न सूचित गरिन्छ । अन्यथा कानून बमोजिम नक्सापास भै जाने व्यहोरा सम्बन्धित सबैको जानकारीको लागि अनुरोध छ ।

१. निर्माण निमित्त प्रस्तावित जग्गाको चार किल्लाको विवरण

पूर्व: सडक पश्चिम: कि.नं. ३२

उत्तर: कृष्णप्रसाद भट्ट दक्षिण: कलकबहादुर खाती

धनगढी उपमहानगरपालिका

नगर कार्यपालिकाको कार्यालय, धनगढी, कैलाली

संधियारको नाममा जारी १५ दिने सूचना

यस गाउँपालिकाको वडा नम्बर ५ (साविक पवैरा गाविस-९) कित्ता नं. २०० र १९८ क्षेत्रफल ५२८.२६ र ८२६.२७ (जम्मा क्षेत्रफल १३५४.५३) वर्गमिटरमा भवन निर्माण गर्ने घरधनी श्री लक्ष्मीकुमारी चौधरी, देवकुमारी बुढाथोकी र ताराकुमारी चौधरीले यस गापामा पेश गरेको नक्सा बमोजिमको भवन निर्माण गर्न संधियारको नाममा सूचना प्रकाशित गरिएको छ । निवेदन साथ पेश हुन आएको प्रमाण र नक्साको आधारमा निर्माण स्वीकृति दिँदा तपाईंको जग्गाको हानिनोक्सानी हुन्छ, हुँदैन, सन्धि सर्पन हानिनोक्सानी हुने भए यो सूचना प्रकाशित भएको मितिले १५ दिनभित्र सबुत प्रमाणसहित गापापालिकामा उजुर गर्न सूचित गरिन्छ । अन्यथा कानून बमोजिम नक्सापास भै जाने व्यहोरा सम्बन्धित सबैको जानकारीको लागि अनुरोध छ ।

१. निर्माण निमित्त प्रस्तावित जग्गाको चार किल्लाको विवरण

पूर्व: यज्ञराज पाण्डेय पश्चिम: सडक

उत्तर: शिवकुमारी महर्ता दक्षिण: चन्द्रप्रसाद चौधरी

कैलारी गाउँपालिका

गाउँ कार्यपालिकाको कार्यालय, हसुलिया, कैलाली



दुर्गालक्ष्मी नमुना माध्यमिक विद्यालय

गोदावरी-२, अत्तरिया, कैलाली

सिलबन्दी दरभाउपत्र पेश गर्ने सम्बन्धमी सूचना

मिति: २०८२/०९/१८ गते

सरोकारवालाहरू सबै,

उपर्युक्त सम्बन्धमा यस विद्यालयको विद्यालय व्यवस्थापन समितिको बैठकको निर्णय बमोजिम तपसिल बमोजिमका सामग्रीहरू खरिद गर्नुपर्ने भएकाले नेपाल सरकारबाट इजाजत प्राप्त सप्लाईसँग सम्बन्धित फर्म, सप्लायर्स तथा कम्पनीहरूले निम्न शर्तहरूको पालना गरी विद्यालयबाट दरभाउपत्र खरिद गरी सूचना प्रकाशन भएको मितिले ७ (सात) दिनभित्र रितपूर्वकको दरभाउपत्र पेश गर्न यो सूचना प्रकाशन गरिएको व्यहोरा सम्बन्धित सबैमा सूचित गरिन्छ ।

तपसिल

सूचना नं.	विवरण	दरभाउ पेश गर्ने अन्तिम मिति, समय र स्थान	दरभाउ खोलिने मिति, समय र स्थान
१	दिवाखाजा सामग्रीहरू सप्लाई सम्बन्धी	२०८२/०९/२४ गते दिउँसो ४:०० बजेसम्म स्थान : विद्यालय	२०८२/०९/२५ गते स्थान : विद्यालय
२	बस भाडामा लिने सम्बन्धी	२०८२/०९/२४ गते दिउँसो ४:०० बजेसम्म स्थान : विद्यालय	२०८२/०९/२५ गते स्थान : विद्यालय
३	कक्षाकोठामा पि-फर्म र कापेट लगाउने कार्य सम्बन्धि	२०८२/०९/२४ गते दिउँसो ४:०० बजेसम्म स्थान: विद्यालय	२०८२/०९/२५ गते स्थान: विद्यालय

१) दरभाउ पेश गर्ने फर्म/सप्लायर्स/कम्पनीले अनिवार्य रुपमा दररेट पेश गर्ने व्यहोरा सम्बन्धको लिखित निवेदन सहित नविकरण भएको फर्म/कम्पनी दर्ता प्रमाणपत्रको प्रतिलिपि, नविकरण भएको व्यवसाय दर्ता प्रमाणपत्रको प्रतिलिपि, मु.अ.कर दर्ता प्रमाणपत्रको प्रतिलिपि र आ.व. २०८१/०८२ को करचुक्ता प्रमाणपत्रको प्रतिलिपि वा म्याद थप पत्रको प्रतिलिपि संलग्न गरी पेश गर्नुपर्नेछ ।

२) उक्त कार्यको लागि आवश्यक BOQ खरिद बाफतको रु १०००- (एक हजार मात्र) लेखाशाखाबाट बुझाएको नगदी रसिद तिरी अनिवार्य दररेट साथ पेश गर्नुपर्नेछ ।

३) BOQ, Specification यस कार्यालयको website:https://durgalaxmi.edu.np र Page: Durgalaxmi Model Secondary School Attariya, kailali बाट समेत डाउनलोड गर्न सकिनेछ ।

४) BOQ मा आफुले कबोल गरेको रकम अंक र अक्षरमा स्पष्ट बुझिने गरी लेखेर पेश गर्नुपर्नेछ, अंक र अक्षरमा फरक परेमा अक्षरलाई मान्यता दिइनेछ । केरमेट भएको र अस्पष्ट भरिएको दररेट (BOQ) मूल्यांकनमा समावेश गरिने छैन ।

५) दरभाउ पेश गर्ने फर्म/सप्लायर्स/कम्पनीले अनिवार्य रुपमा सूचीकृत भई BOQ फाराम भर्नु पर्नेछ ।

६) दरभाउपत्र खोल्दा दरभाउपत्र पेशकर्ता फर्म/सप्लायर्स/कम्पनीको प्रतिनिधि उपस्थित नभएमा पनि दरभाउपत्र खोल्न कुनै बाधा हुने छैन ।

बिर सिंह महता
प्रधानाध्यापक

सुवर्ण अवसर ! सुवर्ण अवसर !! सुवर्ण अवसर !!!

कैलाली अस्पताल प्रा.लि

Provide Health Related Services



सेवाहरू:

- मधुमेह(सुगर)
- थाइराइड रोग
- पेट,मुटु तथा छातिरोग
- कलेजो रोग
- TB, हेपाटाइटिस रोग
- ब्लडप्रेसर तथा हृदयरोग
- मोटोपना

डा. अकाश राउत

MBBS, MD (TU), Internal Medicine
Senior Consultant Physician
NMC NO. 20304
➤ आउने समय : प्रत्येक दिन (२४सै घण्टा)

डाक्टर आउने समय : प्रत्येक दिन, आकस्मिक सेवा (चिकित्सक) २४ घण्टा

हाम्रा सेवाहरू : १) २४ घण्टा ईमर्जेन्सी सेवा, फार्मेसी सेवा, अत्याधुनिक प्याथोलोजी, रंगीन इण्डोस्कोपी, डिजिटल एक्सरे, रंगीन भिडियो एक्सरे, अत्याधुनिक अप्रेसन थियटरबाट सेवा, वातानुकुलीन एम्बुलेन्स, वातानुकुलीन क्याविन ।

२) स्त्री रोग तथा प्रसूती सम्बन्धी सेवा (बोभोपन, सेतोपानी बग्ने, तल्लो पेट दुख्ने, महिनावारी गडबडी, पाठेघर खस्ने, पाठेघरको अप्रेसन, गर्भवती तथा सुत्केरी सेवा) । ३) ल्याप्रोस्कोपी तथा जनरल सर्जरी (हाइड्रोसिल, हर्निया, पायल्स, फिस्टुला, स्तनमा गाँठागुठी आउने, शरिरका विभिन्न भागमा गाँठागुठी, घाउ खटिरा, पन्थरी, किड्नीको पन्थरी, प्रोस्टेटको अपरेसन तथा पित्तथैलीको पन्थरी अप्रेसन) । ४) हाड(जोर्नी तथा नशा सम्बन्धी सेवा (हाटखुट्टा बाङ्गे, फ्याक्चर, हाडजोर्नीको दुखाई, कम्मर दुख्ने तथा अत्याधुनिक मेथिनबाट हड्डीको अप्रेसन)छाती, मुटु, कलेजो तथा पेट सम्बन्धी सेवा । ५) यौनरोग, कपाल तथा छाला रोग सम्बन्धी सेवा । ६) मानसिक तथा मनोरोग सेवा । ७) नाक, कान, घाँटी रोग सम्बन्धी सेवा । ८) मुर्छा पर्नु, टाउको दुख्ने जस्ता समस्याहरू, प्यारालाइसिस हातखुट्टा नचल्ने सम्बन्धी सेवा । ९) न्यूरो (नशा रोग) लागुपदार्थ दुर्व्यसनी, कुलत सम्बन्धी, हाटखुट्टा फ्रमभ्रमाउने, छारे रोग । १०) आगोले पोलेको हातखुट्टा बाङ्गिएको र खुँडेको अप्रेसन आदि सेवा ।



कैलाली अस्पताल प्रा.लि

जिल्ला प्रशासन कार्यालय अगाडि, पशुपति टोल, धनगढी, कैलाली

फोन नं. ०९१-५२४५५५, ५२४६५४, ५२१२४९

“लैङ्गिक समानताके लाग समान सोच ओ व्यवहार: समृद्धिके आधार”

वकिल सापके ठैली बिठ्कोरेबेर

संस्मरण

वकिल साप जोहारीलाल चौधरीसे मोर पहिल भेंट कहिया हुइल, कहाँ हुइल । इ बात महि याद नैहो । औपचारिक परिचय नैहुइलक ओसँ हुइ सायद पहिल भेंटके सम्बन्ध याद नैरहल ।

जहाँ फेन कानुनी सल्लाहकार

जब २०५९ साल चैत २९ से प्रकाशक दिलबहादुर चौधरी, सम्पादक राजकुमार चौधरी, कार्यकारी सम्पादक लक्की चौधरी ओ व्यवस्थापक नेपाल चौधरी, इ चार जहनके खास नेतृत्वमे पहुरा साप्ताहिक पत्रिका प्रकाशन हुइल रहे । ओहे पहुरा पत्रिकाके प्रिन्ट लाइनमे नाउँ लिखल रहे, कानुनी सल्लाहकार जोहारीलाल चौधरी । थारु समुदायके जट्टरा फें संघसंस्था, पत्रपत्रिका जन्मल हरेक ठाउँमे लिखल बिलगाए कानुनी सल्लाहकार अधिवक्ता जोहारीलाल चौधरी । महि लागठ इहे लिखित नाउँसे किलक करल कि थारु वकिल फेन बटै कहिके ।

२०६३ सालसे लक्की चौधरीके प्रकाशन ओ सम्पादनमे जब हमार पहुरा अर्ध-साप्ताहिक पत्रिका निकलल टे ओहो पत्रिकामे फेन कानुनी सल्लाहकारके रुपमे नाउँ लिखित बिलाइल ।

अस्टेक करके २०५९ साल चैत २९ से सुरुवात हुइल पहुरा अर्ध-साप्ताहिक पत्रिका फेनसे २०६६ साल चैत २९ गतेसे दैनिक रुपमे प्रकाशन हुइ लागल टे वहाँ फेन कानुनी सल्लाहकारके नाउँ बिलाइल अधिवक्ता जोहारीलाल चौधरी । पहुरा दैनिकमे आभसम निरन्तर प्रकाशन हुइटी बा । इ पत्रिकाके कानुनी सल्लाहकारसे छुट नैमिल्लिन वकिल साप जोहारीलाल चौधरीहे । इहिसे प्रमाणित हुइठ कि उहाँके थारु भासा, पत्रपत्रिका, संघसंस्थाप्रति कट्टरा लगाब रहे कना ।

२०५८ सालमे पढाइके सिलसिलामे गाउँसे धनगढी सहर सिकनु । ओहे सालमे दाङ देउखरसे छविलाल कोपिलाके सम्पादनमे ‘केरनी’ वार्षिक पत्रिका मोर हाँठम परल रहे । उ पत्रिकामार्फत साहित्य लेखनमे मोर हिरगरके छाप बैठगेल रहे ।

हुइना टे मै कविता, चुटिकला २०५४ साल ओसँ लिखे भिरगेल रहूँ । मोर साहित्यके प्रेरणाके स्रोत, गुरु, मोर डाडु संगम कुश्मी जो हुईट । उहाँ जब रेडियो नेपाल सुखँतसे प्रसारण हुइना हमार पहुरा कार्यक्रममे अपन कविता रचना पठाईट । ओहेबेरसे मोर रचि साहित्यमे खिँचल हो । २०५८ सालसम नियमित रुपमे बित्तिराम महतो ओ श्रीप्रसाद चौधरी मोर गजल, कविता ओ चुटिकला खोब प्रसारण कैलै । २०६८ सालमे जब मोर नेतृत्वमे कैलालीके पहिल साहित्यिक संस्था छिटलल थारु साहित्यिक समाज, हसुलिया जन्मल । ओस्टेके २०७० सालमे जिउगर साहित्यिक फेँटुवा जन्मल । २०७१ सालमे हिरगर साहित्यिक बगाल, इजि नेपाल, बातचित घर २०७९, लगायत टमान संघरियनके अगुवाइमे जट्टा फेन संघसंस्था जन्मल वकिल साप जोहारीलाल चौधरीके बहुत ढेर योगदान बा ।

सामाजिक काममे सक्रियता

ढेर जैसिन मनै जे जौन काममे लागल रहठ, उ ओहे काममे किल समित रहठ । जे जहाँ काम करि, जा काम करि ओम्हे किल लागके हेराइल रठै । मने जोहारीलाल इ बातसे डुर रहिँट । उहाँ पेशासे अधिवक्ता रहिँट । मने अपन काममे किल समित रहिके कब्बु फेन बैठल नैडेजु मै । अपन कामबाहेक सामाजिक संघसंस्थाके जट्टरा फे गोष्ठी, अन्तरक्रिया, भेंटघाट कार्यक्रम होए, उहाँ हरेक कार्यक्रममे उपस्थित हुइल बिलाईँठ ।

चाहे थारु कल्याणकारी संस्थाके बैठक होए, चाहे कोनो संस्थाके कार्यक्रम होए, चाहे कोनो फेन थारुनके कार्यक्रम होए, उहाँ अपन सक्रिय सहभागी जनाके असल परिचय डेले रहिँट । गुन लगैले रहिँट । मै उहाँसे खानपिनमे कार्यक्रममे ओट्टरा खासे बैठानीमे जमे टे नैसेक्नु । मने, पहुराके सुभकामना शुल्क, हरचालीके ग्राहक शुल्क, उठैना ओ साहित्यिक संस्थाके साधारणसभाके बैठक लगायत हरडम भेंट हुइटी रहूँ । कौनो फेन कानुन सम्बन्धि बात, सल्लाह उहाँसे लेटी रहूँ ।

अधिवक्ता जोहारीलाल चौधरी थारु

समुदायके एक जुभाए वकिल रहिँट । उहाँ थारु समुदायके अधिकार ओ हकके लाग लनाँ मनै रहिँट । उहाँ थारु समुदायके हकहितके लाग टमान संघसंस्थामे काम कैले बटै । उहाँ हमार थारु समुदायके लाग एक प्रेरणाके स्रोत फेन हुईट । थारु समुदायके विकास ओ समृद्धिके लाग ढेर काम कैले बटै । थारु समुदायमे शिक्षा ओ जागरूकताके बारेमे महत्वपूर्ण काम कैले बटै कलेसे सामाजिक न्यायके लाग टमान कानुन सम्बन्धि काम कैल बिलाइठ ।

अधिवक्ता जोहारीलाल चौधरी नेपालके थारु समुदायके एक प्रख्यात वकिल तथा कानून व्यवसायी रहिँट । जे लम्मा समयसे कानूनके क्षेत्रमे सक्रिय भूमिका निर्वाह कैलै । उहाँ नेपाल बार एसोसिएसनमे उपाध्यक्षके नेतृत्वदायी भूमिका समेत निभैलै । जौन संस्था नेपालके वकिल समाज ओ न्यायिक पेशामे महत्वपूर्ण प्रभाव जमैले बा ।

वकिल साप कौनो फे संघ-संस्था, सरकारी निकाय वा संस्था-संगठन, कानुनी सल्लाहकार नियुक्त कना हुइबेर उ व्यक्ति संस्थाके कानुनी ढाँचा, नियम, कानुन सुचना, विवाद समाधान ओ जोखिम व्यवस्थापन सम्बन्धी पेशागत सल्लाह डेना व्यक्तित्व रहिँट । जोहारीलाल चौधरी कानूनविदबाहेकसमाजसेवी, बौद्धिक व्यक्ति फेन रहिँट ।

सब जहनसे मिलनसार

जे जट्टरा ढेर मनैनसे घुममिल हुइ सेकठ । उ ओट्टरै ढेर मनै कमैले रहठ । इ पगरीमे वकिल साब फेन जानैठै । हुँकार सबसे भारी क्षमता कलक सब जहनसे हाली मिलनसार हुइ सेक्ना रहिन । कम बोल्ना लेकिन मिठ बोल्ना हुँकार आडट रहिन ।

ओस्टक मुद्दामे, वकालत कर्नामे कब्बु नै पाछे परिँट । हुँकार वकालत करल, लरल मुद्दा कब्बु फे फेल नैखाइन । एकाध मुद्दा बाहेक हरेक फैसलामे हुँकार जिट हुइल सुन्जाए । तालिम गोष्ठी चलैनामे बरा चौकससे कलास डिँट । हुँकार डेहल कलास जुर लाना मेरिक कब्बु नैसुन्मिले । इहे ओसँ हुइ बहुटसे संघसंस्था मुद्दा फैसला



सागर कुस्मी ‘संगत’

कैना होए टे हुँकिन रोजिन । आब अइना दिनके हुँकार अदुरा यात्रा हुँकार छुट्की छावा विनय चौधरी इ क्षेत्रमे लागके मजा काम करिँट कना सबसे आस बटिन ।

सम्मानमे समित वकिल साप

वकिल साब उमेरसे टे मोर बाबा अडरिक हुईट । मने जबसे चिन्जान हुइल, टबसे हमार मैगर संघरिया जैसिन सोरही चल्टी रहल । उहाँ इ संसारमे नैरलेसे फेन हुँकार याद, गुण, उपदेश मोर लाग प्रेरणा बनल बा । मै जब जब हरचाली त्रैमासिकके लावा अंक लेके हुँकार अफिसमे छिँट टे पत्रिकाहे कब्बु नैपहँम, कब्बु नैकिनम नैकहलै । बस अट्टरै कहिँट- लागल रहबि सागर भाइ, इहे हरचाली पत्रिकामार्फत अपनेक पहिचान बनी । इहे जो अपनेहे जिनगी भर अमर बनाइ । इ बात २०७२ साल भदौ ओरिक हो । इ बात सँछुँ टे ओखिमसे यादके ओँस चुहे लागठ ।

मनैनके जिनगी अस्टे हो वकिल साप । अपनेसे ढेर राहरंगी करे नैमिलल । ढेर गजल सुनाइ नैमिलल । साहित्यिक सम्मेलन कार्यक्रममे हिरगरसे उँकुवार भेंट करे नैमिलल । आब जिनगी मजा मजा रहि टे अपनेक छावनसे गल्लाड परि । मोर ओरसे ओ मोर हरचालीके टरफसे सैगर सम्भना । वकिल साप अपनेक ठैलीमसे बिठ्कोरेबेर मै अट्टरै निकारे पैलुँ । अपने जहाँ रलेसे फेन अपनेक याद हमार ठन गुँठल बा ।

कैलारी-८, उखिन टेंही, कैलाली

जोहारी वकिल साप...

बहुट सरकारी कर्मचारी फे हुँकहिनसे कलास लेले हुइहीं । उ अपन कानून व्यवसाय किल नाइ चलैने, समाजहे फे ढेर सहयोग कनै । हरेक छलफल, अन्तर्क्रियामे हुँकार सहभागिता रहे । खबर पाइल ढेर जैसिन कार्यक्रम उ नाइ छोर्है । आउर वकिलहे कहलेसे फुसंत नाइ हो कहना जवाफ मिले कलेसे जोहारी सरसे ढेर जैसिन ‘ठिक बा, आइक परी’ कहै । धनगढीमे टोकल समयमे पुना कलेक उहे रहै । कुछ समय समाजके लग फे निकनां चाही कना मान्यता राखैह उ ।

लिखाईमे टप

डेजामे सिढा, छिहर फुहर कबो नाई बोल्ना, कामेक बाट किल कर्ना, तालिम चलाइबेर धाराबाहिक घन्टी बोले सेक्ना हुँकार गुन रहिन । सोभ मनै कैसिक वकालत पेशा चलेहीं कना लागे मिहिन्, सायद बहुट मनैन् फे यिहे लागे । मने पेरपेर पेरपेर बोल्टी कि व्यवसाय नाइ चलठ । ठिक भर बोल्लेसे फे मजासे व्यवसाय चलठ कना उहाँ प्रत्यक्ष उदाहरन रहै । उखगिल बाट हो ।

न्यायालयमे कैसिक बहस कनै, हेनाँ मौका टो नाइ मिलल । मने हुँकार लिखल मुद्दा पढ़ना मौका मिलल । हाँठ डारल मुद्दाके फैसला सुने मिलल । ढेर जैसिन् मुद्दामे हुँकार पक्षमे फैसला हुइल सुने मिलल, उखे मिलल । हुँकार मुद्दा पढ़ाई, लिखाई गलन रहिन । जस्टे कलासमे टप होई, ओस्टे मुद्दा बुझाई, लिखाईमे फे टप रहै ।

२०७५ सालओरसे हमार निरन्तर भेंटघाटमे ब्रेक हुइल । इन्सेकके जागिरके सिलसिलामे मै सुखँत लागल पाछे हमार भेंटघाट पाटिर हो गिल । सुखँत रहल समय कोरोना आ गिल । मनैन्से मनै डरैना अवस्था आ गिल । लागटटे मै इन्सेक छोर्नु । इन्सेक छोरल पाछे मै गाउँओर बैठे लग्नु । उ सुगरसे पीडित हु गिनै । मने कट्टे छुटल घोर बुसेहला ठारह । धनगढी अइटी कि हमार चाल उहे रहे । बानी कहाँ छुटी । मन मिल्ना संघरिया हुइलेक ओरसे हुई । चले सेक्नासम हमार फोन सम्पर्क, भेंटघाट हुइल करे । उ अपन खैना अपने बोक्कैह । सक्कारे चाह पिना गिलासके सादा दूध ओ अपन बोकल फलफूल खाईह । मै दूधके चाह ओ खास्टा खाउँ । चाहल समयमे समसामयिक बिसयमे छलफल हुइल करे । हमार दिनचर्या इहे रहे ।

५५ बरस ढेर उमेर नाइ हो । नेपालीनके औसत आयु नाइ पुरटी, सरकारी बृद्धभत्ता नाइ पैटी वहाँ बिदा हु गिनै । मै बहुट सल्लाह पटना, मन मिल्ना संघरिया गवाँ डर्नु, ज्ञान ओ हिरगर अधिकारकर्मी गवैले बा । कानूनके ज्ञाता, परिस्थितिके बिस्लेसक गवैले बा । प्रशिक्षक, गुरु गवैले बा । बार अपन सक्रिय, ईमान्दार सदस्य गवैले बा । थारु लेखक संघ अपन संस्थापक सदस्य गवैले बा । पहुरा दैनिक लगायत बहुट संघसंस्था कानुनी सल्लाहकार गवैले बा । वकिल सापहे बहुट मनै बहुट रुपमे फे बुझट हुइहीं ।

वकिल साप आरक्षणसे ढेउर, खुल्ला प्रतिस्पर्धामे जोर डेईह । उत्पीडित जातिहुके आरक्षण टो मग्ना चाही, मने ढेर जोर मेहनतमे डेना चाही कना हुँकार बुझाई रहिन् । इ राज्य हो, राज्य संरचनाहे तुरन्त भट्काई सेकजिना अवस्था नाइ रहट् । अधिकार मरिट कि पैना अवस्था नाइ रहठ । मागो ओ सँग मेहनत फे करो । समाजहे सचेत बनाउ, थारु कल्याणकारिणी सभाहे निस्पक्ष ओ सक्रिय बनाउ । समाजमे सचेतना फैलाउ । मिटर ब्याजी, पास

बन्धकीवालनसे बचाउ, कानुनी ठगहकनसे बचाउ कहै उ ।

घरपरिवारसे खुस

वकिल साप अपन घरपरिवारसे बहुट खुस रहै । बर्का छावा (मनोज चौधरी) हे कृषि पहाँके संस्थामे लगाडलै रहै कलेसे छोटकी छावाहे अपनेहस वकिल बनैना सोचले रहै । इहे ओसँ छोटकी छावा (विनय चौधरी) हे बिबिएम कर्वाके कानुनी अभ्यास कराइटहै ओ एलएलबी जोइन करैले रहै । बर्का छावक भोज कर सेकले रहै कलेसे छोटकी छावक भोज कर्ना बाँकी रह गिलिन् । छोटकी छावक फे भोज हाल्ल कर्ना चाहना रहिन् । मोर्निङ्ग वाकमे मै फे कहूँ ‘वकिल साप, छोटकी छावक फे भोज कर डारे परल ।’

‘अरे कहूँ कि । कहट कहट हैरान बाटूँ । सम्हनिया नाइ मन्ठै । पोर सालसे कहूँ । अब असौं नाइ रे, अइना साल हुई कना सल्लाह हुइल बा,’ उ कहै ।

पाछेक घुमाई बाटचित अनुसार छोटकी छावाके भोज कर्ना ओ हुँकहिन करियाकोट लगाके अदालतमे जाइठ डेज्ना हुँकार भारी चाहना रहिन, जौन अदकचरा रहगिलिन जैसिन मिहिन लागट् । भान्जा हुँकार सपनाहे सहजे पुरा करहीं कना मिहिन विश्वास बा । मने जिन्दा रहल बेला उ उखे नाइ पैने, अट्टरै हो । करिया कोट लगाके अदालतमे पुगल दिन सायद पितृदेवके रुपमे उ स्वर्गसे हेहीं कनाअस लागठ ।

ओरीनीमे

जोहारी संघारीसे बिटाइल मोर उ सुनहरा डिनके बाट कबु नाइ ओराइ । आबक लग इ लेखके ओरीनीमे अट्टरै कहूँ, मनैक जिन्गी हो । आज बाटी, काल्ह नाइ हुई । समयहे रोके सेकेवाला कोई नाइ हो । हमार डगरा फे उहे हो । एक डिन सज्जे जैहिक परी । सँग सुटट्, उठट्, नैगट्, घुमट्, बोलट्, बटवाइट् मैया मोह अइसिक बाभ जाइठ कि लागठ हुँकार बिना कैसिक जिअम । मने जिहिक परठ । जिउ चाहठ मै ना मरु, मने मरे परठ । इहे सत्य हो । सत्य इ फे हो कि बुर्हाइल मनै जैठै टो ठोरिक कम दुख लागठ । लर्का, ठरिया बठिनिया जवान मनै जैठै टो ढेर दुख लागठ ।

मनैन्के कुछ न कुछ ईच्छा, चाहना अदकचरा रहजाइठ । महा बिद्वान रावणके फे कुछ सपना अदकचरा रहगिल रहिस । कहूँ रावण समुन्दरके पानीहे मिठ बनैना, सोनमे मगमगौना बास भर्ना, बाबा मुनासे पहिले छावाहे नाइ मरे पैना नियम बनैना, स्वर्गटक जैना खोदढा बनैना सपना रहिस्, जौन अदकचरा रहगिलिस । सपना सक्कु पुरा हुइठ कना नाइ हो । कौनो पुरा हुइठ, कौनो नाई । मने सेक्नासम हरेक लर्का अपन डाईबाबक सपना पुरा कर्ना कोसिस कर्ना चाही, अट्टरै हो । भान्जा हुँके जरुर उ सपना पुरा करहिँ कना लागठ ।

अन्तिममे बि.सं. २०२७ साल कार्तिक २९ गते जन्मल बारके पूर्व केन्द्रीय उपाध्यक्ष, थारु लेखक संघके संस्थापक सदस्य, समाजके हिरगर खम्बा, अधिकारकर्मी वकिल साप हमहन ठे अपन मिठ छाप, मिठ सम्भना छोरके २०८२ पुस ६ गते स्वर्गके डगरा पकर सेक्नै । जबटक जिन्दा रहै, चिन्तासे घेरल रहै, चलगिनै चिन्तासे मुक्त हु गिनै । हमरे कौन डिन चिन्तासे छुट्टी पैटी, पटा नाइ हो । अब चिन्तासे लटी, सोंचहे शक्तिमे बडल्टी हुँकार मृतात्माहे स्वर्गमे बास मिले कहना कामना कर्ना सिवाय हमारठन् बिकल्प नाइ हो । अलबिदा ! वकिल साप अलबिदा !! अपनेहे लाख लाख सेवा, लाख लाख नमन !!!



मोटरसाइकलको फाइल हराएको सूचना

यहि मिति २०८२ पुस १० गते धनगढीदेखि अत्तरिया जाने क्रममा लोकेन्द्र भाटको नाममा दर्ता भएको बा.प्र. ०२-०२५ प ४८५७ नम्बरको यामाहा कम्पनीको मोटरसाइकलको फाइल हराएको हुँदा पाउनुहुने महानुभावहरूले सम्बन्धित व्यक्ति वा नजिकैको प्रहरी कार्यालयमा बुझाई दिनहुन अनुरोध छ ।

सम्पर्क व्यक्ति: **लोकेन्द्र भाट**

मो. ९८००६०३३४०

हार्दिक श्रद्धाञ्जली



जन्म: २०२७/०७/२८

स्व. जोहारीलाल चौधरी

स्वर्गारोहण: २०८२/०८/०६

मोर गोसिया, हमार बाबा, मोर बुडु अधिवक्ता जोहारीलाल चौधरी (धनगढी-७, सद्भावनाटोल निवासी) ज्यूके ५५ बसरके अल्पायु उमेरमे हुइलक निधनप्रति हमार सक्कु परिवार मर्माहत एवं स्तब्ध हुइल बटि । आज १३ औँ दिनके पुण्यतिथिमे दिवंगत आत्माके चिरशान्तिके कामना करटि हार्दिक श्रद्धाञ्जली अर्पण करटि । साथे हमारप्रति सहानुभूति प्रकट करुइया हमार गैगोटियार, नाटपाट, इष्टमित्रहुकनप्रति हार्दिक आभार प्रकट करटि ।

गोसिनिया : निर्मला कुमारी बस्तरिया

छावा/पाटोहिया : मनोज चौधरी/प्रतिक्षा चौधरी

तिनय चौधरी

ततिनिया : श्रुतिजा चौधरी

एवं सक्कु परिवार

धनगढी-७, सद्भावनाटोल, कैलाली

हार्दिक श्रद्धाञ्जली



जन्म: २०२७/०७/२९

स्व. जोहारीलाल चौधरी

स्वर्गारोहण: २०८२/०९/०६

हमारे फाउन्डेशन के संस्थापक अधिवक्ता जोहारीलाल चौधरी (धनगढी-७, सद्भावनाटोल निवासी) ज्यूके ५५ बसरके अल्पायु उमेरमे हुइलक निधनप्रति फाउन्डेशन परिवार मर्माहत एवं स्तब्ध हुइल बा । आज १३ औं दिनके पुण्यतिथिमे दिवंगत आत्माके चिरशान्तिके कामना करटि हार्दिक श्रद्धाञ्जली अर्पण करटि । साथे शोकसन्तप्त परिवारजनमे धैर्यधारण करना शक्ति प्रदान होए कटि हार्दिक समवेदना प्रकट करटि ।

विजय चौधरी
(कोषाध्यक्ष)ठाकुरप्रसाद चौधरी (करियाप्रधान)
(सचिव)रामदास चौधरी
(अध्यक्ष)

हमारे फाउन्डेशन परिवार

धनगढी, कैलाली

हार्दिक श्रद्धाञ्जली



जन्म: २०२७/०७/२९

स्व. जोहारीलाल चौधरी

स्वर्गारोहण: २०८२/०९/०६

यी नेपाल बार एसोसियसन के पूर्व केन्द्रीय उपाध्यक्ष अधिवक्ता जोहारीलाल चौधरी ज्यूके ५५ बसरके अल्पायु उमेरमे हुइलक निधनप्रति यी एसोसियसन परिवार मर्माहत एवं स्तब्ध हुइल बा । आज १३ औं दिनके पुण्यतिथिमे दिवंगत आत्माके चिरशान्तिके कामना करटि हार्दिक श्रद्धाञ्जली अर्पण करटि । साथे शोकसन्तप्त परिवारजनमे धैर्यधारण करना शक्ति प्रदान होए कटि हार्दिक समवेदना प्रकट करटि ।

नेपाल बार एसोसियसन, कैलाली जिल्ला अदालत बार एकाइ परिवार

धनगढी, कैलाली

हार्दिक श्रद्धाञ्जली



जन्म: २०२७/०७/२९

स्व. जोहारीलाल चौधरी

स्वर्गारोहण: २०८२/०९/०६

यी किरण नेपाल के कानूनी सल्लाहकार अधिवक्ता जोहारीलाल चौधरी (धनगढी-७, सद्भावनाटोल निवासी) ज्यूके ५५ बसरके अल्पायु उमेरमे हुइलक निधनप्रति किरण नेपाल परिवार मर्माहत एवं स्तब्ध हुइल बा । आज १३ औं दिनके पुण्यतिथिमे दिवंगत आत्माके चिरशान्तिके कामना करटि हार्दिक श्रद्धाञ्जली अर्पण करटि । साथे शोकसन्तप्त परिवारजनमे धैर्यधारण करना शक्ति प्रदान होए कटि हार्दिक समवेदना प्रकट करटि ।

किरण नेपाल परिवार

कैलारी गाउँपालिका-३, भरौली, कैलाली

भावपूर्ण श्रद्धाञ्जली

जोहारीलाल चौधरी



जन्म: २०२७/०७/२९

स्वर्गारोहण: २०८२/०९/०६

थारु लेखक संघ नेपाल के कानूनी सल्लाहकार, संस्थापक आजीवन सदस्य ओ बार एसोसियसन नेपाल के पूर्व केन्द्रीय उपाध्यक्ष, थारु बुद्धिजीवी अधिवक्ता जोहारीलाल चौधरी ज्यूके मिति २०८२/०९/०६ गते असामयिक निधन हुइलेक ओरसे मृत आत्माके चिर शान्ति ओ शोक सन्तप्त परिवारजनमे धैर्यधारण कर्ना शक्ति मिले कना हिर्डासे भावपूर्ण श्रद्धाञ्जली अर्पण करटि ।



थारु लेखक संघ नेपाल (TAN)

हार्दिक श्रद्धाञ्जली



जन्म: २०२७/०७/२९

स्व. जोहारीलाल चौधरी

स्वर्गारोहण: २०८२/०९/०६

थारु लेखक संघ नेपाल के कानूनी सल्लाहकार, संस्थापक आजीवन सदस्य ओ बार एसोसियसन नेपाल के पूर्व केन्द्रीय उपाध्यक्ष, थारु बुद्धिजीवी अधिवक्ता जोहारीलाल चौधरी ज्यूके ५५ बसरके अल्पायु उमेरमे हुइलक निधनप्रति हम्मे मर्माहत एवं स्तब्ध हुइल बा । आज १३ औं दिनके पुण्यतिथिमे दिवंगत आत्माके चिरशान्तिके कामना करटि हार्दिक श्रद्धाञ्जली अर्पण करटि । साथे शोकसन्तप्त परिवारजनमे धैर्यधारण करना शक्ति प्रदान होए कटि हार्दिक समवेदना प्रकट करटि ।

हिरालाल चौधरी (अध्यक्ष)

हिरगर साहित्यिक बगाल परिवार

कैलारी गाउँपालिका-३, भरौली, कैलाली

हार्दिक श्रद्धाञ्जली



जन्म: २०२७/०७/२९

स्व. जोहारीलाल चौधरी

स्वर्गारोहण: २०८२/०९/०६

यी दैनिक के कानूनी सल्लाहकार अधिवक्ता जोहारीलाल चौधरी (धनगढी-७, सद्भावनाटोल निवासी) ज्यूके ५५ बसरके अल्पायु उमेरमे हुइलक निधनप्रति यी दैनिक परिवार मर्माहत एवं स्तब्ध हुइल बा । आज १३ औं दिनके पुण्यतिथिमे दिवंगत आत्माके चिरशान्तिके कामना करटि हार्दिक श्रद्धाञ्जली अर्पण करटि । साथे शोकसन्तप्त परिवारजनमे धैर्यधारण करना शक्ति प्रदान होए कटि हार्दिक समवेदना प्रकट करटि ।

पहुरा थारु दैनिक परिवार

धनगढी-८, कैलाली